



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel
Francofurti Ad Moenum, 1690**

Capvt IV. (a) Clemens III.

[urn:nbn:de:hbz:466:1-74526](#)

CAPVT III.

(a) Lucius III.

DE Rectoribus Ecclesiarum lepræ maculâ usque ad eod infectis, quod altario nullâ possunt ratione servire, nec sine magno scandalo illorum, qui sani sunt, Ecclesiæ ingredi, hæc tuam volumus fraternitatem tenere, quod eis dandus est coadjutor, qui curam habeat animarum, & de facultatibus Ecclesiæ ad sustentationem suam congruam recipient portionem.

N O T A E.

(a) **L**ucius III.] Ita etiam legitur post Concilium Lateran. p. 37. cap. 4. in prima autem collectione, sub hoc tit. cap. 3. additur pars capitatis ad aures; unde deducitur, in præsenti referri

fragmentum textus in cap. ad aures 6. de re scriptis.

(b) **Ecclesia ingredi.]** Unde quoad laicos certa debet designari Ecclesia separata ab aliis fidelibus, ut latius dicenrus in cap. 2. de conjung. tetrof.

CAPVT IV.

(a) Clemens III.

TUa nos duxit fraternitas consulendos. *Et infrâ:* De sacerdote verò, qui divino iudicio lepræ morbo respersus in parochiali Ecclesia prælationis officio fungitur, tibi duximus intimandum, quod pro scandalô, vel abominatione populi debet ab administrationis officio removeri; ita quidem, quod juxta facultates Ecclesiæ sibi necessaria, quamdiu vixerit (b) ministrentur.

N O T A E.

(a) **C**lemens III.] Ita etiam legitur in secunda collectione, sub hoc tit. cap. 1. nullibi

tamen exprimitur cui rescribat Clemens; Cuius tamén in præsenti existimat missam esse hanc decretalem Linconiensis Episcopo.

(b) **Ministrentur.]** Juxta adducta supra in cap. 1.

CAPVT V.

Innocentius III. (a) Arelat. Episcopo.

Ex parte tua fuit propositum coram nobis, quod cum ven. fr. nost. (b) Arausiceb. Episcopus, gravi, & incurabili morbo ferè jam per quadriennium laboraret, ita quod pastorale officium non potuit, nec potest ulla tenus exercere: nobilis de Bautio (c) Princeps terræ illius, Consules, ac cives civitatis ejusdem à te postularunt incessanter, ut tam ipius, quam Arausicen. Ecclesia, cum sis Metropolitanus eorum, studeas providere. Verumtamen cum prædictum Episcopum ad cessionem compellere nec possis, nec debeas ullo modo, nec afflictio afflictio sit addenda, immo potius sit ipius miseria miserandum, eo quod ipse vir bonus extiterit, & honestus, & Ecclesiæ sibi commissam salubriter gubernarit: quid super his agere debeas Sedem Apostolicam duxisti consulendam. Nos igitur volentes tam præfato Episcopo, quam Ecclesiæ sive salubriter provideri, f. t. taliter respondemus, & per A. l. mandamus, quat. illi coadjutorem assicies virum providum, & honestum, per quem tam Episcopo, quam populo sibi commisso salubriter consulatur.

N O T A E.

(a) **A**relatensi.] Ita etiam habetur in cap. 1. hoc tit. in 3. collect. De Ecclesia Arelat. non nulla notavi in cap. 16. de officio deleg.

(b) **Arausicen.]** Arausio civitas est Gallie, vulgo dicta Orange, cuius meminerunt Prolo-

meus lib. 2. cap. 10. Strabo lib. 4. cap. 4. Plinius lib. 3. cap. 4. Mela lib. 2. cap. 5. Sidonius lib. 6. epist. 12. Principatus nobilissimus, qui nunc distinctionis est. Nassobiensium Principum, fuit olim Arausio Secundanorum, in provincia Viennensi prima, sicut Arelate Sextanorum; quo modo appellabantur coloniae illæ à legionum, que ibi